


ԱՂԲԻՒՐ 24 ԵՒ ԱՆԿԷ ԵՏՔ


Posted on April 17, 2015 by Keghart


keghart.com


Category: [Opinions](#)



 **Խմբագրական, 24 Ապրիլ 2015**

Հայկական Ցեղասպանության հարիւրամեակը թափ տուլաւ համաշխարհային մամուլի մէջ աւելի շատ արձագանգներու արժանանալու: Ի հարկէ քիչ չէ դերը հայրենի իշխանութիւններու (թէեւ ոչ-բաւարար), Հայաստանեայց Եկեղեցւոյ (Առաքելական-Ուղղափառ, Հայ Կաթողիկէ ԵՎ  Աւետարանական), հռչակուած հայ աստղերու եւ մշակութային ձեռնարկներու (Ազնաւուր, Քարտաշեան քոյրեր, Սերժ Թանկեան, դասական համերգներու մենակատարներ, ցուցահանդէսներ և ուրիշներ, որոնց բոլոր շարժումներուն հետեւեցան միլիոնաւոր գործօն tweeter-ներ, նորոյթի եւ rap-ի սիրահարներ), հայկական կազմակերպութիւններու և հազարաւոր երիտասարդներու, որոնք տիւ և գիշեր իրենց համակարգիչներու և զանգուածային հաղորդակցութեան շարժական սարքերուն միջոցաւ կրցան հազարաւոր հասակակիցներ, հայ և օտար, տեղեակ պահել և ծանօթացնել ՀԱՅԿԱԿԱՆ ՑԵՂԱՍՊԱՆՈՒԹԻՒՆՆ ՈՒ ՀԱՅԿԱԿԱՆ ՊԱՀԱՆՁԱՏԻՐՈՒԹԵԱՆ արդար ետևիւնը:

 **Խմբագրական, 24 Ապրիլ 2015**

Հայկական Ցեղասպանության հարիւրամեակը թափ տուլաւ համաշխարհային մամուլի մէջ աւելի շատ արձագանգներու արժանանալու: Ի հարկէ քիչ չէ դերը հայրենի իշխանութիւններու (թէեւ ոչ-բաւարար), Հայաստանեայց Եկեղեցւոյ (Առաքելական-Ուղղափառ, Հայ Կաթողիկէ ԵՎ  Աւետարանական), հռչակուած հայ աստղերու եւ մշակութային ձեռնարկներու (Ազնաւուր, Քարտաշեան քոյրեր, Սերժ Թանկեան, դասական համերգներու մենակատարներ, ցուցահանդէսներ և ուրիշներ, որոնց բոլոր շարժումներուն հետեւեցան միլիոնաւոր գործօն tweeter-ներ, նորոյթի եւ rap-ի սիրահարներ), հայկական կազմակերպութիւններու և հազարաւոր երիտասարդներու, որոնք տիւ և գիշեր իրենց համակարգիչներու և զանգուածային հաղորդակցութեան շարժական սարքերուն միջոցաւ կրցան հազարաւոր հասակակիցներ, հայ և օտար, տեղեակ պահել և ծանօթացնել ՀԱՅԿԱԿԱՆ ՑԵՂԱՍՊԱՆՈՒԹԻՒՆՆ ՈՒ ՀԱՅԿԱԿԱՆ ՊԱՀԱՆՁԱՏԻՐՈՒԹԵԱՆ արդար ետևիւնը:

Մեր կատարած աշխատանքները գերազանց չնկատելով հանդերձ պետք է մեր զգուշաւոր գոհունակութիւնը յայտնենք կատարուածին համար և ասիկա այնպիսի պայմաններու մէջ, երբ դիմացիները, այս պարագային Թուրքիան ու Ատրպէյճանը արդէն քանի տարիներէ ի վեր Հայաստանի տարեկան ամավարկէն աւելի գումարներ կը ծախսեն իրենց խելակորոյս հակահայ արշաւին մէջ: Մեր ինքնավստահութիւնը պետք է աւելի զօրացած զգանք մանաւանդ երբ մեր անմիջական հակառակորդին (Թուրքալեյճանի) կողքին կեցած են ռազմական (ՆԱԹՕ) ու տնտեսական (քարիւղ, ռազմամթերքի վաճառք) հաշիւներով տարուած Արեւմուտքն ու Միջին Արեւելեան կարգ մը պետութիւններ: Դաւիթի ու Գողիարթի կռիւ մըն է, զոր մղեցինք եւ այսուհետեւ պիտի մղենք աւելի դիպուկ կերպով:

«Լաւագոյն պաշտպանութիւնը յարձակումի մէջ է» սիկիլիական զկզբունքը (զոր

ճատրակի մեծ վարպետ Տիգրան Պետրոսեանը յաճախ կը կիրարկէր)։ պետք է սկսելիք առնուազն տասնամեակ մը առաջ՝ աւելի համագործակցուած, ծրագրուած ու գիտական հիմունքներով զօրացած։ Այս շարժումը պետք է ունենար մէկ ընդհանուր «ուղեղ», որ համադրէր կամ աշխատանքային բաժանումներ սահմանէր։ Այսինքն՝ աշխատանքներ, որոնք Հայրենի իշխանութիւններուն բաժինը պետք է ըլլային, եւ աշխատանքներ, որոնք Սփիւռքի հայութեան պարտաւորութիւններն էին։

Անցնող մէկուկէս տասնամեակի մեր փորձառութիւնը կը պարտաւորեցնէ մեզ լուրջի առնել Թուրքիոյ բազմազգ հասարակայնութեան խճանկարը։ Փաստ է որ մեր գործունեութեան մէջ ունեցանք այդ ուղղութեամբ կատարուած դրական քայլեր եւ հասանք կարգ մը շօշափելի դրական արդիւնքներու։ Հեւեւաբար խորհրդանշական Ապրիլ 24-ին յաջորդող օրն իսկ ծրագրուած քայլերով պետք է ընդլայնել շփումները երկու ուղղութեամբ, ի հարկէ առանց երազատեսութեան, քաղաքական ռոմանթիզմի եւ, որ ամենէն կարելորն է, աջալուրջ ըլլալով չօգտագործուիլ Թուրքիոյ բազմադարեայ փորձառութիւն ունեցող պետութեան քաղաքական ու դիւանագիտական ձեռնածութիւններէն։ Այլ խօսքով՝ առիթ չտալ որ Թուրքիոյ իշխանութիւնները սայլը իրենց ուղղութեամբ տանին, բան մը՝ որուն անձկութեամբ կը սպասէ Արեւմուտքը՝ իր գինակիցն ու տնտեսական գործընկերը չխռտչեցնելու համար։ Միւս ուղղութիւնը պետք է ըլլայ շփումներու մակարդակէն բարձրանալ եւ ուղղակի համագործակցուած աշխատանք տանիլ տարածաշրջանի բախտակից ազգերու հետ, Թուրքիոյ բնակչութեան մաս կազմող փոքրամասնութիւններու հետ, ինչպէս նաեւ ժողովրդավարական սկզբունքներ դաւանող Թուրքիոյ մտաւորականութեան ու հասարակ ժողովուրդին հետ։

Վերը յիշուած խնդիրներու առընչութեամբ պետք է գալ ընդհանուր հասկացողութեան մը.

ա.- Ո՞վ կամ ո՞ր համահայկական կազմակերպութիւնները պիտի երկխօսութեան մէջ մտնեն մէկ կողմէ Թուրքիոյ այժմու ղեկավարութեան եւ միւս կողմէ Հայոց Ցեղասպանութեան ճանաչման, արդարութեան վերականգնման եւ հատուցման հանդէպ դրականօրէն տրամադրուած Թուրքիոյ քաղաքացիական հասարակութեան հետ։

բ.- Որո՞նք են չափանիշները կամ անհրաժեշտ պայմանները, որոնք կ'որակաւորեն «համահայկական» կամ «համասփիւռքեան» կոչել կազմակերպութիւն մը։ Ժողովրդավարական ու թափանցիկութեան տիեզերական օրէնքներն ու կանոնները որպէս նախապայման երաշխաւորուած են, թէ՞ խորհրդաւորութեան մշուշի մէջ պիտի գտնուին կրկին ու կրկին։

գ.- Միանգամընդմիջտ եւ տիեզերականօրէն վերջնական սահմանում մը պիտի խմբագրուի՞ ՀԱՅԿԱԿԱՆ ՊԱՀԱՆՁԱՏԻՐՈՒԹԻՒՆ հասկացութեան։ Ուրեմն առ այդ՝

- Հայկական Պահանջատիրուհիները (ՀՊ) պետք է յստակօրեն արտայայտեն մեր ժողովուրդի հիմնական պահանջքը, որ ՀՈՂԻ (Հայրենիք) պահանջքն է **ՆԱԽԻ ԵՆ ԱՌԱՋ**
- ՀՊ-ը մինչեւ օրս բռնազավթուած շարժական եւ անշարժ գոյքերու, կալուածներու (սեփական թէ հաւաքական) **ամբողջական վերադարձն է իրաւատիրոջ**
- ՀՊ-ը աւելի քան մեկուկէս միլիոն հայութեան **արեան գինն է**
- ՀՊ-ը Թուրքիոյ իշխանութիւններու կողմէ տրուելիք այն երաշխիքն է, որով Թուրքիան կը պարտաւորուի ՄԱԿ-ի կողմէ ընդունուած բոլոր համաձայնագրերով ապահովել հայոց եւ այլ փոքրամասնութիւններու (որոնք նոյնպէս ենթարկուած են հայրենագրկման ու ցեղասպանութեան) իրաւունքներու հաստատումը:

Ընգծելով հանդերձ վերոյիշեալ մեր կեցուածքը, հարկադրաբար փակագիծի մէջ կը նշենք որ որեւէ հասարակութեան մէջ, անհատներ եւ կամ կեդրոնախոյս խմբաւորումներ, յուսախաբ ըլլալով տարուած աշխատանքներու խիստ անցանկալի արդիւնքէն՝ կրնան ընդվզիլ եւ դիմել ծայրայեղ միջոցներու: Թուրք պետութեան դաժան ու դատապարտելի ժխտողական քաղաքականութիւնը եւ հայկական հողերու շարունակուող բռնագրաւումը չեն բացառեր չնախատեսուած արտակարգ այդօրինակ պրոթիւմներ:

